

Do charas crios mo charad

[Mhág Craith, Cuthbert: *Dán na mBráthar Mionúr* I, Dublin, 1967, poem 16]

Crios San Froinséis

File anaithnid .cct.

1 Do charas crios mo charad;  
dión é ar fhuath ar n-easgarad;  
go ria fios ar sláinte sinn  
fáilte reis an gcrios cuirim.

2 I n-ainm an Athar neamhdha,  
gabhair crios ar gcinneamhna;  
fód sealbha dar gcris-ne an corp  
slisne dearbhtha dhon diadhocht.

3 Lé ró ghráidh do ghabhadh linn  
crios Phroinséis - feirrde mh' inntinn;  
cia an lorg is teasmhara tnúdh  
ón Ord measardha Mionúr?

4 Naomhtha a-niugh a ainm dá éis;  
naomhtha riamh fearta Phróinséis;  
naomhtha a n-ord is a n-obair;  
naomhtha an lorg do leanodair.

5 Daoine is óige 's is umhla;  
daoine bochta bráthurdha;  
daoine is sine 's is saidhbhre;  
daoine tridhe táthailghe.

6 Daoine dísle Dé Athar;  
daoine is uaisle ordachadh;  
dream naoidhe is buaine beatha  
daoine nuaidhe náireacha.

7 Daoine is caoine cás labhra;  
daoine is aobhdha agallamha;  
lucht seang dá n-éirghe ambuadh  
an dream céilldhe cumannbhuan.

8 Próinséis naomhtha is naomhtha stair,  
ceann oirdheirc an uird chrábhaidh,  
ós cara é dá fheabhas  
go gcara mé a muinteardhas.

9 Go mbia liom 'na láimh ar gcúl  
guidhe an Uird mhíonghlain Mhionúr,

lé gach fios nar anad as!  
raghad 'san grios do charas. DO CHARAS